

Yr Ymddiriedolaeth Genedlaethol yn gweithio ar y cyd â'r Loteri Genedlaethol ar fenter Parciau'r Dyfodol

17/06/2019



Mae wyth tref a dinas wedi'u dewis i gymryd rhan ym Mharciau'r Dyfodol, menter gwerth £11m sy'n ceisio diogelu dyfodol ein parciau trefol a'n mannau gwyrdd.

Dyma'r prosiect cyntaf o'i fath yn y DU a phartneriaeth arloesol rhwng yr Ymddiriedolaeth Genedlaethol a Chronfa Dreftadaeth y Loteri Genedlaethol, gyda chymorth gan y llywodraeth.

Drwy becyn o grantiau a chanllawiau arbenigol, nod Parciau'r Dyfodol yw mynd i'r afael, yn uniongyrchol, â'r heriau ariannol cynyddol sy'n wynebu parciau cyhoeddus, sy'n eu rhoi mewn perygl difrifol ar gyfer y dyfodol.

Bydd awdurdodau lleol a chymunedau yn cael eu grymuso i ddod o hyd i ffyrdd arloesol a chynaliadwy o reoli ac ariannu parciau a mannau agored ar draws trefi a dinasoedd cyfan.

Rheoli parciau'n wahanol

Mae'r awydd a'r angen i reoli parciau'n wahanol yn glir. Gwnaeth wyth deg un o grwpiau eraill ymgeisio i fod yn rhan o Barciau'r Dyfodol, gyda'i gilydd yn gofyn am fwy na £60miliwn ar gyfer cynlluniau newydd.

Dewiswyd yr wyth lle, a oedd yn rhychwantu poblogaeth o bum miliwn o bobl, ar gyfer eu strategaethau uchelgeisiol a chreadigol i roi lle canolog i fannau gwyrdd mewn cymunedau lleol.

Bydd y prosiectau yn:

- gwneud mannau gwyrdd yn ganolog i fywyd cymunedol bob dydd;
- rhoi fwy o rôl i'r cyhoedd yn y ffordd y cânt eu rheoli;
- sicrhau bod parciau'n cyfrannu mwy at iechyd meddwl a chorfforol y cyhoedd;
- a thrawsnewid y ffordd y cânt eu hariannu i sicrhau eu dyfodol.

Er enghraifft, yn Islington a Camden bydd y cynghorau yn canolbwyntio ar ddefnyddio parciau a mannau gwyrdd i wella iechyd a lleiant drwy ddatblygu cysylltiadau agosach â'r GIG, darparwyr iechyd, meddygon ac elusennau iechyd.

Y lleoedd llwyddiannus eraill yw:

- Birmingham
- Bournemouth, Christchurch a Poole;
- Bryste
- Swydd Gaergrawnt (ledled y sir, sy'n cwmpasu saith ardal cyngor);
- Caeredin;
- Nottingham;
- Plymouth

Dywedodd Hilary McGrady, Cyfarwyddwr Cyffredinol yr Ymddiriedolaeth Genedlaethol

"Mae heddiw yn foment nodedig i barciau trefol y genedl."

"Nid yn unig y mae hyn yn ymwneud â ffyrdd newydd o ariannu a chefnogi'r mannau cymunedol hyn sy'n fawr eu croeso, ond mae'n ail-feddl yn llwyr am y rhan y mae mannau gwyrdd yn ei chwarae yn ein bywydau a sut y gallwn sicrhau eu bod yn ffynnu am genedlaethau i ddod."

Y ddwy flynedd nesaf

Yn ystod y ddwy flynedd nesaf, bydd yr wyth lle yn gweithio gyda'i gilydd i ddatblygu offer, dulliau gweithredu, sgiliau a chyllid i greu eu ffordd newydd o reoli mannau gwyrdd yn ogystal â rhannu eu profiadau gyda chynghorau eraill.

Cewch ragor o wybodaeth ar [dudlaen Parciau'r Dyfodol](#).